

第六冊目錄

《徐元嘆先生殘稿》·····	一
《浪齋新舊詩》·····	
《二荅詩集》·····	二五
《萬卷書屋詩》·····	二七
《楸花盒詩》·····	一〇九
《石氏喬梓詩集》·····	三二三
《聽雨樓詩》·····	三二五
《葵青居詩》·····	三九五
《小草庵詩鈔》·····	五九三
《日本金石年表》·····	六三三

徐元歎先生殘藁

浪齋新舊詩

夜寒與劉石君陳伯迎叩達公河畔禪居

月斜道少人風吹旛獨舞入戶燈光微古佛爲之主
斧冰析寒薪茗椀味餘苦城上雙槌鳴歸途各自取

獨居苦雨書示友生

出游已恨水煙窮遂少芳菲媚屢空門掩不離春雨內
夢寒常在落花中別時渡水城陰晚幾日鄰家柳色通
躍馬相尋誰便得擁書長歎想能同

再宿包山蔡居士湖上居

湖山相與晚秋館自多陰黃葉悲遺老孤燈攝夜心蘆
花月上易水色雁來深彷彿當年事情生不自今

槎山庵尋碧上人遇

短松行不盡牆缺亦通人古屋西風破小池寒菜新客
來燈是主葉落寺無鄰夙有營巢意低徊繞砌頻

寓雨公二楞庵適吳興顧默孫至同登槎山瞰大

湖

禪扉掩殘雪門外繫輕舸居者誠非易君行無乃勞看
花隨意遠望水略宜高習靜松窗下心清聞夜濤

七月初六夜聞笛

鄰笛起閑暇城隅夜遂幽泝風書雜恨安枕接新秋星
月滿深巷水天涼一樓尋聲無處所空露但悠悠

若邪溪望對岸雲門諸峰云中有三十六灣溪流
宛轉會日暮無人至路口而返

秋溪如月上轉泛無終窮微波出城路幾樹迎船風眾
慮一洒濯遠色久玲瓏峰影半水面秦望標其空人間
仰蒼翠山中閉洪濛思乘青竹筏周流元氣中日落松
柏裏先夜水仙宮風雲多氣勢獨立恍余躬靈境遂相
失分手但西東

越溪夜宿夢鍾伯敬

獨卧悲搖落宵深接淚痕共依殘燭影復理早秋言水
月非無路衣冠皆有魂知君今夜憶謂我在吳門

辛酉元日偶題

再有勞生日栖遲此世間閉門宜客去疎雨得人閑弱
柳煙將寓荒池水漸還獨居自無限可想在深山

登北樓臨小池傳是唐六如先生故居

野館閉空綠伊人甯久離樓寒常近夜草色漸過池自
顧敢云客相逢或不疑蓬蒿正滿眼猶是著書時

沈雨若見示徐文長畫雜花卷

徐生畫花備四時惟須佳墨與臙脂用墨亦在花葉外

墨所不及具花態寒幹疎梅開遠天敗荷枯荻淡多烟
高情豈必求形似蜜蜂胡蝶生其間俠烈談諧無不露
令人喜亦令人怒一草一木無常形筆端成物如風雨
醉眼迷離燭影闌風日佳時更借看

李僧筏出其尊人長蘅畫冊因題其上

醉醒俱不去夜坐羣情密端居云多暇水石隨意抹丹
來攜數方掇拾已成帙篋笥但隨身貪者不敢奪明燈
高寥寥卷舒無促迫獎譽漫俗情深賞示以默而翁臨
發辰授子以爲別寶此差足賢冰清未可忽奉之爲良
規我猶曰形迹而翁邱壑徒讀書難自沒翱翔筆墨間

誰敢鬪工拙吾子天機深矧是名父出今古略宜觀安
事求其末

過錢塘將訪馮三於湖上雨不果行

積雨羣峰困遙愁倚碧潯陰晴關友誼車馬有離心幸
免一回別留爲兩念深無邊悲喜境付與夢中尋

南屏山尋浪泊上人不遇

羈愁成暮雨聊且卽扁舟聞說南屏近心知西閣幽煙
波爲此約水石未忘秋講席紛然散斯人不可求

六月十八與陳古白呂子傳集顧青霞新構水亭

觀粉壁畫松累石爲地畫松其上

水觸牆根爲日久新亭面此開軒牖不能更問置亭時
有亭有水可無疑已忘熱客披衣苦便覺涼天列坐宜
壁間水氣堪嫵媚松石無端思坐致雙柯脫手助清寒
更令詞客歌其事歌殘月出卧縱橫恍聽螺溪嶺上聲
謂松能風余非佞孰物有形無性命主人累石畫者機
畫者含毫聽指揮松不癡肥石不瘦松耶石耶同時有

涼秋寄林茂之

不知何處別徒憶晤時顏野閣聞初就孤情尙遂閒浮
名秋草沒小夢一舟間來信非難寄新寒有客還

涼夜懷鏡新上人

久坐身無影知師心已安蟲悲天地窄月近水雲寬猥
巷違羣動荆扉閉小寒是能從所悅持此寄人難

送浪泊上人還南屏

草色門前路歸期可奈何久留荒寺冷相與早梅過細
雨貧交去春流人事多重游有我輩亦未歎蹉跎

月下與商孟和尋陳古白於鐵佛山房

月中坦步似乘虛忽憶幽人靜默居燈火叩門通款款
衣冠隱几出徐徐向衰有幾相逢地少賤空多未讀書
天與浮名宜漸棄亂離持此欲爲如

宿弁山積善寺同周虛生作

雲峰終不近石路寺門前霜蔓懸瓜重風庭聚葉圓殘
燈連曙鳥衆響入鳴泉愛此清虛夜與君得晏眠

佛慧芍藥未花時與僧有約及春殘往看僧采茶
不歸花已半落矣

小巷春陰石逕斜偶尋舊約看殘花亂頭粗服誰相借
雨打風吹敢怨嗟昨日繁華惟有夢芳魂歸去已無家
盛年何限隨流水愛惜紅顏計轉差

十七夜燈事轉盛士女縱觀從顧青霞家醉歸因

書卽目

春街賞愛競招尋軟語如聞已見侵柔幙但添迴顧影

疎簾難障夜行心
衣沾香霧經餘睡
地擲微聲憶墮簪
留取歸途殘醉在
放教紅燭對斜吟

答董遐周

運往濶詞人無以名
一代小儒鹵莽求字句
爭險怪置之耳目
前無異於癰疥所思在吳興
托疾寒溪內高臥
護風騷隙中數流輩
我昔望其廬暑雨驟
明晦門外盛蛙聲
虛庭敞閒界茫然失
所攜投書急引退
珍重接遙緘雜花盈
手在賞譽或過情
顏汗未敢拜春天夢
無涯往往赴親愛
迎我不下牀一笑牽
蘿帶

春寺早茶采寄鄭明府

僧窗嫩葉無心發并付幽人采擷宜薄質見收香色異
餘甘深仗齒牙知囊盛筋裹愁經雨新火寒泉共一時
黃鳥聲中衙舍掩竹鑪煙細獨斟遲

山

臘月初四夜乍見新月喜葉晉卿自嶺表還洞庭

捲簾纖月露寒姿記否殘更相送時於世浮沉能不倦
在身圓缺豈堪思古城雪上歸人跡三載貧居少婦持
洞府就君商避地盡將雞犬一朝移

題陳古白虎邱借讀齋

高齋無主閉春風能讀離騷付乃公未見伯通來廡下

常如貧女在光中研田腹筭遷皆易浙米樵薪累卽同
每恨世人稱我宅此山尙爾寄虛空

代書答王子彥

未覺伊人遠朝來接素書有懷春雪盡相謂落花初水
國交殘夢烟窗護獨居新苔知滿砌到日爲君除

自天池落木庵看梅過竹塢擬至光福極繁盛處
靜居得天心特與以晴霽柳栗倚門邊游情不可閑村
梅乃競發光色徧一切幽谷蒸奇香深松襯濃翠玉鱗
看漸飛仙姿惜遺蛻長日付閒身墟里隨所詣過嶺雪
漲天遙連鄧尉寺千林皆照水似以湖爲際人苦不知

足更作齋糧計

啣茶新到設幽溪大師退谷居士二像于天池落
木庵合祀之二公留心茶事故所至必祭

二像隨身列小軒屢遷能不失溫存神來水國思其嗜
事稱山家禮不煩寶鉢展開憑呪力素資斟酌待吟魂
平生茫昧今同食帶笑相看無一言

同州來游虎邱塔影園時新屬顧云美

坦步須乘興名園今有人地幽山隔岸池靜塔分身樹
石維求舊禽魚亦易親綠陰行滿眼就此送殘春
天池雨後偕州來次玉小休憚臣入鳴觀瀑

賀嶺之西千嶂綠亂鳥如吟亦如哭霧淙靡靡相覆被
殷日沉沉漸入地前山夜遞雨聲來飄瓦掀牀亦壯哉
爛漫橫眠交首足重撥昏燈照古屋擁衾起坐至天明
瀑水風松共一聲飽餐捫腹無他事殘雲已帶微陽至
新磨翠色有諸峰一角紅鮮露遠寺駕壑飛濤如匹練
嵌穴穿空流盡徧沸然餘怒未能平善觀水者于其變
懸巖欲落防崩石入谷三人惟二屐谷深陰晦昨宵同
杖聲笠影在濛濛怪來溼翠沾衣重始悟行從雲氣中
虎邱梅花樓得泉上人新住持木山奉賀四首錄

管領名樓也不閒
花朝月夕總相關
茶芽漸吐官牌急
待過清明便鎖山

呵殿聲麤到石場
袈裟鵲立過茶漿
浮生盡說偷閒到
已累山僧半日忙

七月望後寄寒碧上人

與鍾譚亡友
周旋甚善

楚鬼微吟上峽謠
中元法食可相招
憑師爲譬興亡恨
雨打秋墳骨亦銷

和州來梅花詩

古幹無花影絕奇
蒼嵐餘骨在山姿
他鄉瞥見驚心蕊
荒圃難尋入手枝
紙帳學眠生夢早
凍瓶清玩候開遲